

Toi Puoro

Tauaromahi Kaupae 1



Kōauau
Thandi Yewen
Palmerston North Girls' High School
Ringa Toi Student Exhibition 2023



Pūtorino
Nole Thomas
Tauranga Boy's College
Ringa Toi Student Exhibition 2022



Nguru
Nole Thomas
Tauranga Boys' College
Ringa Toi Student Exhibition 2023

Ka tautoko tēnei tauaromahi i te:

Paerewa Paetae 92089 (1.2)

Te whakaatu māramatanga ki ngā tukanga toi puoro

Ko te tauaromahi he taurua mahi a te ākonga e whakamārama ana i te matū o te paerewa paetae. He mea āwhina i te kaiako ki te kōwhiri whakataunga aromatawai ki te taumata e tika ana.

	Taumata: Kairangi
1.	<p>Mō Kairangi, kia tau te whakaputa whakaaro ki ngā ariā Toi Puoro kia whai pānga ki ngā horopaki huhua noa.</p> <ul style="list-style-type: none"> • Kua tau te māramatanga ki ngā tukanga toi puoro, tae atu hoki ki te take i pērā ai te āhua. • He māmā te kite (1) me te rongō atu (2) kua āta wānangahia ōna whakaaro mō ngā tukanga nei, kia mārama ai te whakaputa (3) ki te ao. <p><i>Tā te ākonga mahi (kei te whārangi e whai ake nei)</i></p> <p>Kua miramirahia ngā wāhanga o tā te ākonga aromatawai.</p> <p>Te wāhanga 1 i whakarārangihia ai e hia ngā taputapu (1).</p> <p>Ko ngā wāhanga 2-5 o tā te ākonga wāhanga tuhinga i tēnei aromatawai, he āmiki whakaraupapatanga (3) i ngā tini whakaritenga me ngā tūāhuatanga. He momo whakatūpato e mataara ai te tangata, he kupu āwhina, me te aha anō, kua tuhi ki te momo reo e ngāwari ana ki te tauhou, ki te ākonga rānei - koia te painga kē atu.</p> <p>Hei whakatepe, nā runga anō i te mōhio ehara tēnei i te aromatawai e arotakengia nei te kounga o te karawhiunga a te ākonga i te pūkenga waiata, whakatangi taonga puoro rānei, kāhore e āmiki tīkina ake ngā wāhi o te rīkoatatanga. Waihoki, pēnā he mahinga ā-rōpū, tē mōhio nā wai ia wāhanga i tutuki. Nā whai anō, kua tukuna mai tētahi rīkoatatanga (2), me tana whakamāramatanga ā-kupu (1), ka ea te taha ki te arotake i tā te ākonga mārama (3) ki ngā kiko o te aromatawai.</p>



Tā te ākongā mahi - Kairangi

(Submitted as a powerpoint presentation and **VLC media files**)

2

1

1. He aha ngā taonga katoa

- Ngā taura (lead, XLR)



- Ngā hopuoro



- Ngā tukuoro



- Mixing desk



- Ngā taonga puoro e hiahia (rakuraku)



3

2. Me pehea e whakarite i ēnei mea

- Mo te taha tukuoro?

Me whai koe i tou “XLR”, he taha wahine, he taha tane anohoki(ko te taha me ngā kohao koira te taha wahine, ko te taha taha me ngā tia koira te taha tane).

- Me rau atu i te taha tane ki te “mixing desk”, ki runga ake he wahi e ki ana “line in” whakauru i te taha tane ki reira.

- Katahi whai i te taha wahine me te rau atu ki te hopuoro.

- Katahi whakakā i te hopuoro.

- Ā ko te tikanga kua rite te/ngā hopuoro/tukuoro.

- “Don’t leave a women at the mixing desk”(e korero ana mo ngā taha o te taura).

1

3

3. Ka aha mēnā e rongō ana i te oro mai i te tukuoro mauī anahe?

- Ina kei te rongō noa koe i te oro mai i te taha mauī haere ki te mixing desk

- Kimi i te pūreke “knob” e kī ana i te balance kātahi huri i te pūreke ki waenganui

4. Ka aha mēnā e rongō ana i te kore

- Rautaki tuatahi tiro ki tetahi patene ka kī “mute” mena kua kā te rama pa i te patene.

3

- Rautaki tuarua tiro ki te hopuoro mena kua kā.

- Rautaki tuatoru tiro mēnā kua nāi te hono o ngā taura katoa

1

3

5. He aha ngā rautaki mō te whakauru, me ngā tango taura

- I mua i te tango whakaheke te oro “mute” kia kore e pakō.

- I te wā e tango ana i ngā taura kaua e kumea noa i ngā taura kei pakaru.

- I te wā kua tango i ngā taura katoa whakaporohitatia, a takitahi. Katahi waiho ki tētahi wahi haumaruru.



	Taumata: Kaiaka
2.	<p>Mō Kaiaka, kia tau te whakaputa whakaaro ki ngā ariā Toi Puoro kia whai pānga ki ngā horopaki huhua noa.</p> <ul style="list-style-type: none"> • Kua whānui te māramatanga ki ngā tukanga toi puoro kia whai pānga ki te mahi. <p>Ka whānui te whakaputa whakaaro ki ngā ariā toi puoro i runga anō i te horopaki whānui o ngā toi.</p> <ul style="list-style-type: none"> • He māmā te kite (1) me te rongō atu (2) kua whai whakaaro whānui te ākongā mō ngā tukanga nei, kia whānui ake tāna tirohanga (3). <p><i>Tā te ākongā mahi (kei te whārangi e whai ake nei)</i></p> <p>Kua miramirahia ngā wāhanga o tā te ākongā aromatawai o raro iho nei.</p> <p>Ki te wāhanga "Ngā Whakaritenga" e kitea pai nei tā te ākongā aro ki ngā whakaaro whānui mō ngā tukanga nei (3), ā, kua whānui ake tāna tirohanga tā te mea e whāngai ana ia i ngā whakamaherehere e āwhina nei i te tangata, mō te tūpono ka pāngia ia e tētahi o ngā raru i meinga.</p> <p>Hei whakatepe, nā runga anō i te mōhio ehara tēnei i te aromatawai e arotakengia nei te kōunga o te karawhiunga a te/ngā ākongā i te pūkenga waiata, whakatangi taonga puoro rānei, kāhore e āmiki tīkina ake wāhi o te rīkoatatanga. Waihoki, pēnā he mahinga ā-rōpū, tē mōhio nā wai ia wāhanga i tutuki. Nā whai anō, kua tukuna mai tētahi rīkoatatanga (2), me tana whakamāramatanga ā-kupu (1), ka ea te taha ki te arotake i tā te ākongā mārama (3) ki ngā kiko o te aromatawai.</p>



Tā te ākongā mahi – Kaiaka

(Submitted as a powerpoint presentation and VLC media files) 2

Tukanga Toi Puoro

Ngā taputapu

1

Ko te mihini tāmitimiti oro he taputapu kia whakaputa oro. Ki te whakaputa oro me honoa koe i ngā taura rerekē, ko ngā taura ka whakamahi mo te mihini nei ko ngā taura xlr, ngā taura rca, ā, ngā taura ¼. Ko ngā taura xlr ka hono ki ngā hopuoro, e rua ngā taha o te taura nei he taha tāne, ā, he taha wahine. Ka whakauru te taha tāne ki te mihini tāmitimiti oro, ā, te taha wahine ki te hopuoro, ka mutu kia hono ki te tukuoro ka hono te taha wahine ki te mihini nei, ā, ka whakauru te taha tāne ki te tukuoro. E toru ngā taura mo te rca heoi ki te whakauru ki te mihini tāmitimiti oro me whakamahi i ngā taura mā me te where, he aha ai? Nā te mea ko ēnei taura ngā taura mo ngā oro mauī me te matau, ka mutu ka hono ēnei taura mai i te mihini tāmitimiti oro ki ngā tukuoro. Ko te taura ¼ he taura e taea ana ki te hono ki ngā rakuraku hiko pera ki te kīta hiko, te kīta pangaru aha atu . He ōrite ia taha whakauru o te taura nei nōreira kāore he taha tika, kāore he taha hē kia whakauru.

1
3

1
3



Ngā whakaritenga

3 I te wā ka hono koe i ngā taura ki te mihini tāmitimiti oro he whakahirahira kia whakaiti te kaha o te oro nā te mea inā kaha te oro ka tino turi te ngā oro hei te wā ka whakauru. Inā whakauru i te taura ki te mihini tāmitimiti oro, ā, kāore he oro ka puta me whakakaha noa i te kaha o te kahaoro, ka mutu e taea hoki te titiro inā kua kā katoa ngā mihini.

Inā kei te puta te oro ki te tukuoro mauī anake me titiro koe inā kua whakakā tērā atu tukuoro, ā, inā kua kā me whakakaha i te kahaoro o te tukuoro, kā mutu inā kāore tērā i te mahi me whakatika kia taurite te kaha o ia oro o ngā tukuoro.

Inā ka whakauru koe i tō hopuoro, ā, ka puta mai ngā momo tangi umere me tini koe i te anga o te tukuoro rānei te hopu oro. I te wā ka mahi koe i tēnei he whakaheke ai te kahaoro kia kaua e turi ki ou taringa.



	Taumata: Paetae
3.	<p>Mō te Paetae kua tau te whakaputa whakaaro ki ngā ariā Toi Puoro kia whai pānga ki ngā horopaki huhua noa.</p> <ul style="list-style-type: none"> • Ka whakaatu māramatanga ki ngā tukanga toi puoro i runga anō i te horopaki ka tohua hei whai māna. <p>Ka whānui te whakaputa whakaaro ki ngā ariā toi puoro i runga anō i te horopaki whānui o ngā toi.</p> <ul style="list-style-type: none"> • He māmā te kite (1) me te rongō atu (2) i ngā whakaaro ake o te ākongā kua whakaraupapahia (3). <p><i>Tā te ākongā mahi (kei te whārangi e whai ake nei)</i></p> <p>Kua miramirahia ngā wāhanga o tā te ākongā aromatawai o raro iho nei.</p> <p>Ki te haurua tuarua o tā te ākongā wāhanga tuhinga i tēnei aromatawai, kua whakaraupapahia (3) ētahi whakaritenga. He momo whakatūpato e mataara ai te tangata.</p> <p>Hei whakatepe, nā runga anō i te mōhio ehara tēnei i te aromatawai e arotakengia nei te kounga o te karawhiunga a te ākongā i te pūkenga waiata, whakatangi taonga puoro rānei, kāhore e āmiki tīkina ake wāhi o te rīkoatatanga. Waihoki, pēnā he mahinga ā-rōpū, tē mōhio nā wai ia wāhanga i tutuki. Nā whai anō, kua tukuna mai tētahi rīkoatatanga (2), me tana whakamāramatanga ā-kupu (1), ka ea te taha ki te arotake i tā te ākongā mārama (3) ki ngā kiko o te aromatawai.</p>



Tā te ākongā mahi – Paetae

(Submitted as a powerpoint presentation and VLC media files) 2

1

Ko te mea nui, ko te mīhini oro. Ka tūhonotia ngā mea katoa ki te mīhini oro. Ka honoa nā ngā taura hiko (XLR, AUX, RCA). Me whai hoki i ngā hopu oro mēnā e waiata ana tētahi. Kia rongō ai e te marea, me hono i ngā tuku oro ki te mīhini oro, ki te hopu oro rānei.

3

Me hono i ngā taura ki te mīhini oro (me whakakore i te oro i mua i te mahi pēnei, kia kore e maiororo)

Ā honoa te mīhini oro ki ngā kawē rongō. He kōrero ka kīia kia māmā ake te mōhio me whakauru i tēhea taha ki te aha, kia kore me hīkoi haere koe mēnā he nui te ātamira, te aha, te aha.

1

Ki ia taura he taha tāne, he taha wahine anō. Nō reira ko te kīanga - he āhua toihara ira, engari kua mōhiohia tēnei kia māmā ake - kia kaua e waiho i te wahine ki te mīhini oro.

3

Ko te tikanga, me whakauru i te taha tāne ki te mīhini oro, te taha wāhine ki te hopu oro, kawē oro, aua momo mea.

Me huri i te pūrori oro ki ngā taha - mēnā ka huri ki te taha mauī ka rongō ki te tuku oro mauī, te ōrite mo te taha matau (me āhua waenga nui kia rongō ki ngā mea e rua).

Me tiro mēnā kua tūhono ngā taura katoa kia tika, kua whakakorehia rānei te oro. Whakakaha i te oro.

Me āhua whakawehe i te tuku oro, te hopu oro hoki. Ka taea hoki te whakatika i ngā taura, whakaheke rānei i te oro.



he mīhini oro tēnei.

ko ēnei ngā taura hiko



1

Taura XLR

taura AUX (auxiliary)

taura RCA

